



COMUNE DE ROMANA

DELIBERATZIONE DE SA GIUNTA COMUNALE N. 72 DE SU 22/10/2020

OGETU: TRABALLOS DE ACABU FUNZIONALE ECOTZENTRU COMUNALE.
APROVATZIONE ISTÙDIU DE FATIBILIDADE TÈCNICU-ECONÒMICA

S'annuduamìgia e binti sa die bintiduos de su mese de Santugaine a sas oras 13:15, in sa SALA GIUNTA, fatu chi siat esaurimentu de sas formalidades prescritasdae sa lege de s'Istadu e de s'Istatutu, s'est reunida sa Giunta Comunale suta sa presidèntzia de su Sìndigu DOT.RA CATTE LUCIA.

A s'apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. ra CATTE LUCIA	EMMO
ASSESSORE	PISANU DARIO	EMMO
ASSESSORE	PIREDDA FABIO	EMMO
ASSESSORE	SANNA MONICA

Presentes n. 3 Ausentes n. 1

Partètzipat su Segretàriu Generale Dr.CARTA GIANCARLO, chi providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT.RA CATTE LUCIA, in sa calidade sua de Presidente, leat sa presidèntzia e de crarat aberta sa setziada pro sa tratatzione de s'ogetu marcadu subra.

SA GIUNTA COMUNALE

Premìtidu chi su Sìndigu, in calidade de Presidente de sa Giunta, at dispostu sa cunvocatzione de sa setziada in data de oe in videucunferèntzia, modalidade de acumprimentu istraordinària cale misura de cuntenimentu e gestione de sa situatzione emergentziale dae COVID-19;

Torradu a cramare pro custu s'art. 73 de su d.l. n. 18/2020 e mm.ii.ii., rubricadu "Semplicatziones in matèria de òrganos collegiales",

Atzertadu, a incuru de su Segretàriu Comunale, chi a sa setziada de sa Giunta partètzipant in su matessi tempus:

su Sìndigu, collegada a distàntzia in modalidade videucunferèntzia;

sos assessores Pisanu, Piredda ee su Segretàriu Comunale, presentes in sa Domo Comunale;

Verificadu, prima de cumintzare, a incuru de su Segretàriu Comunale, chi su collegamentu in videucunferèntzia est idòneu a garantire sa possibilidade de atzertare s'identidade de sos partetzipantes a sa setziada chi interbenint in videucunferèntzia, a permitere un'acumprimentu de s'adunàntzia regolare, a averiguare e proclamare sos resurtados de sa votatzione e a cunsentire a su Segretàriu Comunale de distìnghere a manera crara cantu benit declaradu e deliberadu in su cursu de sa setziada;

Su Vitze Sìndigu Pisanu incrarit sa proposta sighente, cun s'agiudu de sa responsàbile de su servìtziu Arch. Tiziana Campus;

Premìtidu chi:

- S'Amministrazione Provinciale, cun Determinatzione de su settore Ambiente-Agricoltura, n. 3378 de su 20 de nadale 2013, at bandidu una seletzione de propostas de cofinanziammentu de iniciativas e progetos deretos a sa realizatzione de istruturas pro sa regorta diferentziada de sos refudos urbanos;
- custu Ente est resurtadu binchidore de su bandu propositu dae sa Provìntzia de Tàtari, pròpiu cun sa determinatzione n. 2143 de s'11 de cabudanni de su 2014;
- su progetu aprovalu cun Deliberatzione de Giunta Comunale n. 37 de su 28 de martzu de su 2014, previdit una cuota de finatziammentu provinciale pro € 70.000 e una cuota de cofinanziammentu comunale paris a € 25.000;
- sa Provìntzia at provididu a s'erogatzione, in acuntu, de una cuota pro € 14.000;
- cun determinatzione de su Responsàbile de s'Àrea Tècnica n. 42 de su 18/05/2020 sunt istados afidados sos "Servìtzios de ingegneria e architettura relativos a su *"Progetu de acabu funzionale ecotzentru comunale"* a su professionista Geòm. Roberto Sanna cun sede in Carrera A. Moro n. 10 – 07010 Romana (TT) C.F. SNNRRT72H23Z112J - P.IVA 01713660908;
- chi su professionista subra naradu at presentadu su progetu de fatibilidade tècnica e econòmica, su 17/09/2020, achisidu a su protocollu de su Comune cun su n. 3044;

Bidu s'istùdiu de fatibilidade tècnicu-econòmica de sas òperas de "TRABALLOS DE ACABU FUNZIONALE DE SU ECOTZENTRU COMUNALE", de s'importu complessivu de € 42.00,00, fatu dae su Geòm. Roberto Sanna, cumpostu dae sos elaborados progetuales sighentes chi faghent parte integrante de su provedimentu presente:

- TÀU. A RELAZIONE TÈCNICA INCRATIVA E CUADRU ECONÒMICU
- TÀU. B ISTIMA PRELIMINARE DE SAS ÒPERAS ETZIONI TIPU – MURU A SICU
- TÀU. C DOCUMENTAZIONE FOTOGRAFICA
- TÀU. 1 COROGRAFIA
- TÀU. 2 ISÈBERU PUC – ISÈBERU AEROFOTOGRAMMÈTRICU
- TÀU. 3 ISÈBERU CATASTALE
- TÀU. 4.1 PLANIMETRIA INTERVENTU – TRABALLOS ESTERNOS A S'ECOTZENTRU
- TÀU. 4.2 PLANIMETRIA INTERVENTU – TRABALLOS INTERNOS A S'ECOTZENTRU

Individuadu cale Responsàbile de su Protzedimentu s'Arch. Tiziana Campus;

Dadu atu chi su progetu de fatibilidade est istadu verificadu e balidadu cun Verbale de balidazione n. 1 de su 22/10/2020 in cunforma a s'art. 26 de su D.Lgs. 50/2016 chi rispondet a sas esigèntzias e diretivas de s'amministratzione e puru a sas prescritziones de su Regulamentu matessi;

Bidu su D.Lgs. 50/2016 e mm.ii.ii. e su D.P.R. 207/2010 e pro sas partes non galu abrogadas;

Achisidos sos parres favorèvoles dados in cunforma a s'art. 49 de su T.U. subra de s'Ordinamentu de sos Entes Locales D.Lgs n. 267/2000, dae sos Responsàbiles de s'Àrea in mèritu a sa regularidade tècnica e contàbile;

cun votazione favorèvole separada e de acordu de sos presentes,

DELÌBERAT

De aprovare su progetu de fatibilidade tècnicu-econòmica de sas òperas de "TRABALLOS DE ACABU FUNZIONALE ECOTZENTRU COMUNALE", de s'importu complessivu de € 42.000,00 fatu dae su Geòm. Roberto Sanna, cumpostu dae sos elaborados progetuales sighentes chi faghent parte integrante de su provedimentu presente:

- TÀU. A RELAZIONE TÈCNICA INCRATIVA E CUADRU ECONÒMICU
- TÀU. B ISTIMA PRELIMINARE DE SAS ÒPERAS ETZIONI TIPU – MURU A SICU
- TÀU. C DOCUMENTAZIONE FOTOGRAFICA
- TÀU. 1 COROGRAFIA

TÀU. 2 ISÈBERU PUC – ISÈBERU AEROFOTOGRAMMÈTRICU

TÀU. 3 ISÈBERU CATASTALE

TÀU. 4.1 PLANIMETRIA INTERVENTU – TRABALLOS ESTERNOS A S'ECOTZENTRU

TÀU. 4.2 PLANIMETRIA INTERVENTU – TRABALLOS INTERNOS A S'ECOTZENTRU

De dare atu chi s'ispesa cumplessiva de sas òperas prevididas in su progetu de fatibilidade tècnicu-econòmica segundu s'atu deliberativu presente de aprovatzione est riferidu, e articulada segundu sa partzidura indicada in su cuadru econòmicu suta marcadu:

Importu traballos a base de asta € 24.957,26

Òneres de sa siguresa (Non sugetos e ribàsciu) 499,15

SUMMANT TRABALLOS E SIGURESA € 25.456,41

SUMMAS A DISPOSIZIONE DE S'ISTATZIONE APALTANTE

I.V.A. subra de traballos a su 22% € 5.600,41

Intzentivos art. 113 de su D.Lgs. n. 50/2016 € 509,13

Ispesas tècnicas € 6.700,95

Càscia de previdèntzia 4% € 268,04

Iva a su 22% subra ispesas tècnicas e càscia € 1533,18

Assistèntzia a su RUP € 1.872,01

Imprevistos € 59,87

Totale summas a dispozizione de s'istatzione apaltante 16.543,59

IMPORTU TOTALE TRABALLOS E SIGURESA € 25.456,41

IMPORTU TOTALE SUMMAS A DISPOSIZIONE € 16.543,59

TOTALE CUMPLESSIVU € 42.000,00

De numenare cale Responsàbile de su protzedimentu de sas òperas in ogettu de su deliberadu presente s'Arch. Tiziana Campus;

De dare atu chi s'ispesa cumplessiva agatat cobertura finantziària in su Bilàntziu de previsionone 2020/2022, cap. de PEG/2020, a su capitulu 29010 art. 1.

Cun votazione favorèvole separada e de acordu de sos presentes,

DELÌBERAT, IN PRUS,

De declarare su provedimentu presente esecutàbile a manera immediata, in cunforma a s'art. 134, comma 4 de su D.Lgs. n. 267/2000 e mm.ii.ii., reconnòschida s'urgèntzia de realizzare s'interventu in argumentu.

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. **CAMPUS TIZIANA** in data **22/10/2020** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c. 1 de su T.U.E.L. su Dirigente/P.O. **CALARESU CARMELA** in data **22/10/2020** at esprimidu parre **FAVORÈVOLE**

Su Presidente

Sìndigu Dot.ra CATTE LUCIA

SU SEGRETÀRIU COMUNALE

DOT. CARTA GIANCARLO

NOTA DE PUBBLICAZIONE N. 582

In cunforma a s'art. 124 de su T.U. 267/2000 su responsàbile de sa Pubblicazione **DOT. CARTA GIANCARLO** atestat chi in data 22/10/2020 s'est protzèdidu a sa publicazione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguìsticu de Romana
Maria Leonarda Correddu

